

مجموعه ابو الضحی

ماسوا شایسته شدن دلی تطهیر به چالش
بر تو حکمت و عرفان ابله تنویر آتش

هر ماه عربی ابتدای سیله اون بشده نشر اولور فنون مجموعه سیدر

جزو ۳۹ [فی غره صفر سنه ۱۳۰۲] نسخه سی ۳ غروش

معلومات مدنیہ

اطباءى موجوده عالم

پارس انجمن طبیسی طرفندن اولنان حسابہ نظراً اوروپا ایله آمریقاده الحاله هذه ۱۸۹۰۰۰ نفر طیب اجرای طبابت ایله مشغول اوله رق بونلرک ۶۵۰۰۰ نفری آمریقاده، ۲۶۰۰۰ نفری فرانسه ده، ۳۲۰۰۰ نفری آلمانیا و آوستریاده، ۳۵۰۰۰ نفری انکلتره ایله مستملکاتده ۱۰۰۰۰ نفری ایٹالیاده و بش بیک نفری اسپانیا، پورتوغال و بلجیقا و فلنک ممالکنده بولنقده ایمش .

الک آز طیب بولنان ممالک دولت عثمانیه ممالکی اولدینی دخی انجمن مجوئنک جله تحقیقاتنددر .

خواص طیه و حذاق اطبا هیچ بر وقت هیچ بر وجهله قابل انکار دکلدرد . فقط طبابت نامنه ملک الموت نیابت ایدن بر طاقم جهله اطبا یوزندن غلطیده حفره مات اولان بیکرله احیا ایله تدبیر طیب حاذق ایله اکتساب بروعافیت ایدن مرضا نسبت قبول ایتیه جک درجه ده اقل در . بو حقیقت نظر مطالعه یه آلدینی حالده ممالکمزده اطبانک اقلیتدن طولانی متأسف دکل بالعکس متشکر اولمقلغز لازم کلیر .

فرانسه مطبوعاتی

یکی بر استاتیسیتقه نظراً کچن سنه نهایته قدر فرانسه ده ۳۷۱۶ عدد غزته و رسائل موقوته نشر اولنقده ایدی .
بومقدارک ۱۵۰۵ قطعہ سی پارسده و ۲۲۱۱ قطعہ سی ایالاتده نشر اولنور .